

TILSKIPUN FRAMKVÆMDASTJÓRNARINNAR 1999/50/EB

2001/EES/31/12

frá 25. maí 1999

um breytingu á tilskipun 91/321/EBE um ungbarnablöndur og stoðblöndur(*)

FRAMKVÆMDASTJÓRN EVRÓPUBANDALAGANNA
HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 89/398/EBE frá 3. maí 1989 um samræmingu laga aðildarríkjanna um sérfaði ⁽¹⁾, eins og henni var síðast breytt með tilskipun Evrópuþingsins og ráðsins 96/84/EB ⁽²⁾, einkum 1. mgr. 4. gr.,

að höfðu samráði við vísindanefndina um matvæli,

og að teknu tilliti til eftirfarandi:

- 1) Í 6. gr. tilskipunar framkvæmdastjórnarinnar 91/321/EBE ⁽³⁾, eins og henni var síðast breytt með tilskipun 96/4/EB ⁽⁴⁾, er kveðið á um að í ungbarnablöndum og stoðblöndum skuli ekki vera nein efni í því magni að stefnt geti heilsu ungbarna og smábarna í hættu og að nauðsynlegt sé að ákvarða hámarksmagn slíkra efna án tafar.
- 2) Mismunandi reglugerðir um hámarksmagn varnarefnaleifa í slíkum vörum valda viðskiptahindrunum milli ákveðinna aðildarríkja.
- 3) Í tilskipun ráðsins 76/895/EBE frá 23. nóvember 1976 um hámarksmagn varnarefnaleifa í og á ávöxtum og matjurtum ⁽⁵⁾, eins og henni var síðast breytt með tilskipun 97/41/EB ⁽⁶⁾, 86/362/EBE frá 24. júlí 1986 um hámarksmagn varnarefnaleifa í og á kornvörum ⁽⁷⁾, eins og henni var síðast breytt með tilskipun framkvæmdastjórnarinnar 98/82/EB ⁽⁸⁾, 86/363/EBE frá 24. júlí 1986 um hámarksmagn varnarefnaleifa í og á matvælum úr dýraríkinu ⁽⁹⁾, eins og henni var síðast breytt með tilskipun 98/82/EB, og 90/642/EBE frá 27. nóvember 1990 um hámarksmagn varnar

efnaleifa í og á tilteknum vörum úr jurtaríkinu, meðal annars ávöxtum og matjurtum ⁽¹⁰⁾, eins og henni var síðast breytt með tilskipun 98/82/EB, er kveðið á um hámarksmagn varnarefnaleifa með fyrirvara um sérákvæði um ungbarnablöndur og stoðblöndur.

- 4) Í þeim tilvikum, sem viðeigandi vísindarannsóknir eru ófullnægjandi, gerir varúðarreglan bandalaginu kleift, með tilliti til alþjóðlegra skuldbindinga þess, að gera bráðabirgðaráðstafanir á grundvelli viðeigandi upplýsinga þar til viðbótaráhættumat og endurskoðun á þeirri ráðstöfun liggur fyrir innan sanngjarnra tímamarka.

- 5) Ljóst er af tveimur álitsgerðum vísindanefndarinnar um matvæli frá 19. september 1997 og 4. júní 1998 að vafi leikur á því hvort núverandi magn viðtekens dagskammtar (ADI) til verndar heilsu ungbarna og smábarna sé viðunandi. Þessar efasemdir eiga ekki einungis við um varnarefni og varnarefnaleifar heldur einnig um hættuleg iðefni og þar af leiðandi mun framkvæmdastjórnin rannsaka möguleikana á því að ákveða, eins skjótt og auðið er, hámarksmagn þungamála í matvælum sem ætluð eru ungbörnum og smábörnum.

- 6) Rétt er að samþykkja mjög lág sameiginleg mörk fyrir öll varnarefni hvað varðar sérfaði ætlað ungbörnum og smábörnum.

- 7) Þessi lágu sameiginlegu mörk ber að festa í 0,01 mg/kg sem í raun eru lægstu greinanlegu mörk.

- 8) Ákveða þarf strangar takmarkanir fyrir varnarefnaleifar. Þar sem vandað er sérstaklega til vals á hráefnum og viðtækt vinnsluferli á sér stað við framleiðslu ungbarnablandna og stoðblandna er

(*) Þessi EB-gerð, sem birtist í Stjtið. EB L 139, 2.6.1999, bls. 29, var nefnd í ákvörðun sameiginlegu EES-nefndarinnar nr. 54/2000 frá 28. júní 2000 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn. Sjá EES-viðbæti við Stjórnartíðindi Evrópubandalaganna nr. 42, 21.9.2000, bls. 10.

⁽¹⁾ Stjtið. EB L 186, 30.6.1989, bls. 27.

⁽²⁾ Stjtið. EB L 48, 19.2.1997, bls. 20.

⁽³⁾ Stjtið. EB L 175, 4.7.1991, bls. 35.

⁽⁴⁾ Stjtið. EB L 49, 28.2.1996, bls. 12.

⁽⁵⁾ Stjtið. EB L 340, 9.12.1976, bls. 26.

⁽⁶⁾ Stjtið. EB L 184, 12.7.1997, bls. 33.

⁽⁷⁾ Stjtið. EB L 221, 7.8.1986, bls. 37.

⁽⁸⁾ Stjtið. EB L 290, 29.10.1998, bls. 25.

⁽⁹⁾ Stjtið. EB L 221, 7.8.1986, bls. 43.

⁽¹⁰⁾ Stjtið. EB L 350, 14.12.1990, bls. 71.

mögulegt að framleiða vörur sem innihalda mjög lítið magn varnarefnaleifa.

- 9) Samt sem áður er mögulegt, hvað fáein varnarefni varðar, að við verstu hugsanlegu neysluskilyrði fari viðtekinn dagskammtur þeirra yfir svo lág mörk. Því skulu ungbarnablöndur og stoðblöndur vera án þessara tilteknu varnarefna og skulu þær framleiddar án þess að slík varnarefni séu notuð.
- 10) Þessi tilskipun endurspeglar nýjustu þekkingu um þessi efni. Allar breytingar, sem byggjast á framförum á sviði vísinda og tækni, ber að samþykkja samkvæmt málsmæðferðinni sem mælt er fyrir um í 13. gr. tilskipunar 89/398/EBE.
- 11) Breyta ber tilskipun 91/321/EBE til samræmis við það.
- 12) Ráðstafanirnar, sem kveðið er á um í þessari tilskipun, eru í samræmi við álit fastanefndarinnar um matvæli.

SAMÞYKKT TILSKIPUN ÞESSA:

1. gr.

Tilskipun 91/321/EBE er breytt sem hér segir:

1. Eftirfarandi e-liður bætist við 2. mgr. 1. gr.:

„e) „varnarefnaleif“: efnaleif plöntuvarnarefnis í ungbarnablöndum og stoðblöndum, eins og skilgreint er í 1. lið 2. gr. tilskipunar 91/414/EBE (*), að meðtöldum umbrots-, niðurbrots- og hvarfaefnum þeirra“;

(*) Stjtið. EB L 230, 19.8.1991, bls. 1.“

2. Í stað 6. gr. komi eftirfarandi:

„6. gr.

1. Í ungbarnablöndum og stoðblöndum skulu ekki vera nein efni í því magni sem stefnt getur heilsu ungbarna og smábarna í hættu. Nauðsynlegt er að ákvarða hámarksmagn þeirra án tafar.

2. Ungbarnablöndur og stoðblöndur skulu ekki innihalda efnaleifar einstakra varnarefna í meira magni en 0,01 mg/kg neyslufæfrar vöru eða eftir blöndun samkvæmt fyrirmælum framleiðandans.

Greiningaraðferðir til þess að ákvarða hámarksmagn varnarefnaleifa skulu vera staðlaðar og almennt viðurkenndir aðferðir.

3. Ekki skal nota þau varnarefni, sem talin eru upp í IX. viðauka, í landbúnaðarafurðum sem ætlaðar eru til framleiðslu á ungbarnablöndum og stoðblöndum.

4. Ákveða skal örverufræðilegar viðmiðanir eftir því sem nauðsyn ber til.“

3. Eftirfarandi bætist við sem IX. viðauki:

„IX. VIÐAUKI

Varnarefni sem ekki skal nota í landbúnaðarafurðir sem ætlaðar eru til framleiðslu á ungbarnablöndum og stoðblöndum.

Efnaheiti

...“

2. gr.

Aðildarríkin skulu samþykkja nauðsynleg lög og stjórnsýslufyrirmæli til að fara að tilskipun þessari eigi síðar en 30. júní 2000. Þau skulu tilkynna það framkvæmda-stjórninni þegar í stað.

Beita skal þessum lögum og stjórnsýslufyrirmælum þannig að þau:

- a) heimili verslun með afurðir, sem eru í samræmi við ákvæði þessarar tilskipunar, eigi síðar en 30. júní 2000,
- b) banni verslun með afurðir, sem eru ekki í samræmi við ákvæði þessarar tilskipunar, frá og með 1. júlí 2002.

Þegar aðildarríkin samþykkja þessar ráðstafanir skal vera í þeim tilvísun í þessa tilskipun eða þeim fylgja slík tilvísun þegar þær eru birtar opinberlega. Aðildarríkin skulu setja nánari reglur um slíka tilvísun.

3. gr.

Tilskipun þessi öðlast gildi á tuttugasta degi eftir að hún birtist í Stjórnartíðindum Evrópubandalaganna.

4. gr.

Tilskipun þessari er beint til aðildarríkjanna.

Gjört í Brussel 25. maí 1999.

Fyrir hönd framkvæmdastjórnarinnar,

Martin BANGEMANN

framkvæmdastjóri.
